

**ქალაქ ქუთაისის მუნიციპალიტეტის საკრებულოს  
ჯანდაცვისა და სოციალურ საკითხთა კომისიის სხდომის  
ოქმი N19**

20.11.2023

სხდომის ჩატარების ადგილი:  
ქალაქ ქუთაისის ადგილობრივი  
თვითმმართველობის შენობა.  
რუსთაველის გამზირი N3

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიის სხდომა ჩატარდა თვითმმართველობის შენობაში არსებულ სხდომათა დარბაზში, სხდომას ხელმძღვანელობდა კომისიის თავმჯდომარე, ბატონი მამუკა რიუამაძე.

ესწრებოდნენ კომისიის წევრები:

ირაკლი შენგელია, თეომურაზ ნადირაძე, დიმიტრი მხეიძე, მაგდა კოსტავა, მანანა ჩიხლაძე გვა ბასილაძე, მერაბ ჭოხონელიძე, ელეონორა არჩაია, ქეთევან ხურციძე, გრიგოლ შუშანია.

სულ 9 წევრი.

არ ესწრებოდა: გაგა მანაგაძე, დარეჯან ფხავაძე, ანა კოხრეიძე, ნინო ბიბილაშვილი.

ქალაქ ქუთაისის მუნიციპალიტეტის მერიის სოციალურ საკითხთა სამსახურის უფროსი ბატონი ვარლამ გობეჯიშვილი.

ქალაქ ქუთაისის მუნიციპალიტეტის მერიის სოციალურ საკითა სამსახურის უფროსისი მოადგილე ქალაბატონი ფიქრია ხაჭაპურიძე.

სხდომის მუშაობაში მონაწილეობდნენ:

ქალაქ ქუთაისის მუნიციპალიტეტის საკრებულოს მედიასთან და საზოგადოებასთან ურთიერთობის განყოფილების უფროსი სპეციალისტი ლიკა ჩახუნაშვილი.

სხდომა გახსნა ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიის თავმჯდომარემ ბატონმა მამუკა რიუამაძემ და წარმოადგინა დღის წესრიგი:

„2024 წლის ბიუჯეტის პროექტის განხილვის შესახებ.“

„მოგესალმებით ქალაბატონებო და ბატონებო, ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიის სხდომას გახსნილად ვაცხადებ. თქვენის ნებართვით წარმოგიდგენთ მიმდინარე სხდომის დღის წესრიგით გათვალისწინებული საკითხს „2024 წლის ბიუჯეტის პროექტის განხილვის შესახებ.““

აღნიშნულ საკითხს წარმოგვიდგენს ქალაქ ქუთაისის მუნიციპალიტეტის მერიის სოციალურ საკითხთა სამსახურის უფროსი ბატონი ვარლამ გობეჯიშვილი.

ვარლამ გობეჯიშვილი: მოგესალმებით, მოგახსენებთ, რომ გასულ წელთან შედარებით, ბიუჯეტი გაზრდილია 592 400 ლარით, გასული წლის ბიუჯეტი შეადგენდა 6 534 0000, მომავალი წლის ბიუჯეტის პროექტი 7126400 ლარია.

წარმოადგენილი მაქვს 28 ქვე პროგრამის პროექტი, რომლებსაც თქვენთან ერთად განვიხილავ:

საზოგადოებრივი ჯანმრთელობისა და უსაფრთხო გარემოს შექმნა ამ ქვეპროგრამას ანხორციელებს ა(ა)იპ „ქალაქ ქუთაისში, საზოგადოებრივი ჯანმრთელობისა და უსაფრთხო გარემოს უზრუნველყოფის ცენტრი“, ქვეპროგრამის ფარგლებში ხორციელდება ქალაქ ქუთაისის მოსახლეობისათვის საზოგადოებრივი ჯანმრთელობის დაცვის სერვისების მიწოდება და უსაფრთხო საცხოვრებელი გარემოს უზრუნველყოფა, გადამდებ დაავადებათა ეპიდზედამხედველობა და კონტროლი, პირველადი ეპიდკვლევის განხორციელება, იმუნოპროფილაქტიკის დაგეგმვა და მასზე ანგარიშება დადგენილი წესის მიხედვით, ანტირაბიულ საქმიანობაზე ზედამხედველობა და კონტროლი, მუნიციპალიტეტის ტერიტორიაზე გადამდები ფაუნის შესწავლა და დადგენა, „c“ ჰეპატიტის სკრინინგის განხორციელება, „COVID-19“-ის გავრცელების მართვა და ეპიდზედამხედველობა, განსაკუთრებით საშიში დაავადებების მონიტორინგი და ზედამხედველობა. სამედიცინო სტატისტიკის წარმოება და ანგარიშება, საზოგადოებისათვის მნიშვნელოვან ობიექტებში სანიტარულ-ჰიგიენურ მდგომარეობაზე ზედამხედველობა.

მედიკამენტებით უზრუნველყოფა ქვეპროგრამის განმახორციელებელი არის ქალაქ ქუთაისის მუნიციპალიტეტის მერიის პირველადი სტრუქტურული ერთეული - სოციალურ საკითხთა სამსახური, ქვეპროგრამით მოსარგებლების ბენეფიციარებს მიეკუთვნებიან: ქალაქ ქუთაისში რეგისტრირებული და სოციალურად დაუცველი ოჯახების მონაცემთა ერთიან ბაზაში დაფიქსირებული 70001-მდე სარეკორდო ქულის მქონე პირები; ნათესაურ და არანათესაურ მინდობაში მყოფი შშმ ბავშვები; ომისა და სამხედრო ძალების ვეტერანები; მხედველობით მკვეთრად და მნიშვნელოვნად გამოხატული შეზღუდული შესაძლებლობის მქონე პირები; გლობულური დაავადებული ხანდაზმული პირები - ასაკის პენსიონერები; ჰემოდიალიზზე მყოფი პაციენტები; ოჯახური ძალადობის მსხვერპლის სტატუსის მქონე მოქალაქეები; მარჩენალდაკარგული სტატუსის მქონე პირები; საქართველოს ტერიტორიული მთლიანობისათვის დაღუპული მეომრების ოჯახის წევრები; პოლიტიკური რეპრესიების მსხვერპლები/მათი იუდეის წევრები. ბენეფიტი მოსარგებლებთათვის გაიცემა მხოლოდ ერთი საფუძვლით. ბენეფიციარებისთვის, გარდა ჰემოდიალიზზე მყოფი პაციენტებისა, დახმარება გაიცემა წელიწადში ერთხელ არაუმეტეს 200 ლარის ოდენობით. ჰემოდიალიზზე მყოფი პაციენტები დახმარებით ისარგებლებენ ყოველთვიურად, რომლის მოცულობა განისაზღვრება 100 ლარის ოდენობით. აღნიშნული ქვეპროგრამით არ დაფინანსდება ის მედიკამენტი, რომელიც გათვალისწინებულია ქრონიკული დაავადებების სამკურნალო მედიკამენტებით უზრუნველყოფის პროგრამის ფარგლებში.

მამუკა რიჭამაძე: ბევრ ადამიანს სჭირდება გლობულური დაავადების მკურნალობა მედიკამენტებით, ვფიქრობ კარგი იქნება თუ გავაკეთებთ ქვეპროგრამას, რომელიც დააფინანსებს გლობულური დაავადებულთა მედიკამენტებით მკურნალობას.

ვარლამ გობეგიშვილი: მომწერეთ და შევისწავლით ამ საკითხს.

სამედიცინო დახმარება ქვეპროგრამის მიზანია სიცოცხლისათვის საშიში დაავადების მქონე და სხვადასხვა შემთხვევების შედეგად დაავადებული, გადახდისუუნარო პირებისათვის სამედიცინო მომსახურების ხარჯების ანაზღაურებაში დახმარება.

გია ბასილაძე: უფრო მეტი ადამიანის დახმარებას შევძლებთ თუ სამედიცინო დახმარების ქვეპროგრამის ტექსტში გაჩნდება ჩანაწერი, რომ გამონაკლის შემთხვევებში დაფინანსდეს მოკვლევის საფუძველზე.

ეპილეფსიით დაავადებულ პირთა ანტიკონვულსანტებით უზრუნველყოფა ვეპროგრამით მოსარგებლები პირები არიან ქალაქ ქუთაისში რეგისტრირებული ეპილეფსიით დაავადებული პირები. დახმარების მიღება მოხდება ვაუჩერისა და დანართის გამოყენებით, რომლის მოცულობა განისაზღვრება ყოველთვიურად, თითოეულ ბენეფიციარზე ინდივიდუალურად ფორმა N100-ის მიხედვით, არაუმეტეს 70 ლარის ღირებულების ანტიკონვულსანტებით, აღნიშნული პროგრამით არ დაფინანსდება ის ანტიკონვულსანტები, რომლებიც გათვალისწინებულია ქრონიკული დაავადებების სამცურნალო მედიკამენტებით უზრუნველყოფის პროგრამის ფარგლებში. ამავე პროგრამაში დაწესებული ლიმიტის ამოწურვის შემთხვევაში, ბენეფიციარს დაუფინანსდება მედიკამენტები შესაბამისი დოკუმენტის წარმოდგენისას. ამასთან, თითოეულ ბენეფიციარზე მათივე ინტერესებიდან გამომდინარე, დახმარება გაიცემა სამ თვეში ერთხელ და შესაბამისად, დახმარების მიღება განხორციელდება არაუმეტეს 210 ლარის ღირებულების ანტიკონვულსანტებით.

ფენილკეტონურითა და ცელიაკით დაავადებულ პირთა დახმარება ქვეპროგრამით მოსარგებლები არიან: ქალაქ ქუთაისში რეგისტრირებული ფენილკეტონურის და ცელიაკის დიაგნოზის მქონე პირები. არასრულწლოვან პირებს მატერიალური დახმარება გაეწევათ მათი უფლებამოსილი წარმომადგენლის, ხოლო სრულწლოვან პირებს პირადი განცხადების მომართვის საფუძველზე, საბიუჯეტო წლის ბოლომდე. დახმარების ოდენობა განისაზღვრება თვეში 300 ლარის ოდენობით. დახმარების მისაღებად განცხადებასთან ერთად საჭიროა ბენეფიციარის პირადობის დამადასტურებელი მოწმობა, არასრულწლოვანის შემთხვევაში უფლებამოსილი პირის პირადობის დამადასტურებელი მოწმობა, საინფორმაციო ბარათი რეგისტრაციის ადგილის შესახებ სამოქალაქო რეესტრიდან, ანგარიშის რეკვიზიტი ბანკიდან და ფორმა N100 სამედიცინო დაწესებულებიდან ერთჯერადად, პირველი მომართვისას.

სოციალური უზრუნველყოფა პროგრამის მიზანია ქალაქის ტერიტორიაზე მცხოვრები მოსახლეობის სხვადასხვა ფენების სოციალური დახმარებებით უზრუნველყოფა. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯების ანაზღაურება, დემოგრაფიული მდგომარეობის გაუმჯობესების მიზნით, მრავალშვილიანი ოჯახების დახმარება და სხვა სოციალური ღონისძიებები, რომელიც მთლიანობაში უზრუნველყოფს ქალაქის მოსახლეობის სოციალური მდგომარეობის გაუმჯობესებას

სოციალური საცხოვრისის კომუნალური ხარჯების უზრუნველყოფა ქვეპროგრამით განხორციელდება ქალაქ ქუთაისში, ზ. ჭავჭავაძის ქუჩის N1 და N3-ში მდებარე სოციალური საცხოვრისის მობინადრეთა მიერ დახარჯული ელექტროენერგიისა (თითოეულ აბონენტს თვეში არაუმეტეს 60 ლარისა) და ცენტრალური გათბობისათვის საჭირო ბუნებრივი აირის თანხების

ანაზღაურება წარმოდგენილი ქვითრების შესაბამისად, ფაქტობრივი ხარჯის მიხედვით. ქალაქ ქუთაისში, ნიკეას ქ. N40-ში მდებარე სოციალური საცხოვრისის ბენეფიციარების მიერ დახარჯული ელექტროენერგიის თანხა ანაზღაურდება წარმოდგენილი ქვითრების შესაბამისად, ფაქტობრივი ხარჯის მიხედვით, ლიმიტის- 60 ლარის ფარგლებში თითოეული აბონენტისთვის თვეში.

**გია ბასილაძე:** ვფიქრობ ძალიან კარგი იქნება თუ გაიზრდება საცხოვრისის კომუნალური ხარჯების დაფინანსება (გუგუნავას საცხოვრისის გათვალისწინებით)

მრავალშვილიანი ოჯახების დახმარება ქალაქ ქუთაისში რეგისტრირებულ და მცხოვრებ მრავალშვილიან ოჯახებს, რომელთაც ჰყავთ 4 (ოთხი) ან მეტი არასრულწლოვანი მეტი შვილი, რეგისტრირებული არიან სოციალურად დაუცველი ოჯახების მონაცემთა ერთიან ბაზაში სარეიტინგო ქულით 0–დან 70 000-მდე, თითოეულ არასრულწლოვან შვილზე გაეწევათ მატერიალური დახმარება თვეში 40 (ორმოცი) ლარის ოდენობით, ხოლო სხვა დანარჩენ შემთხვევაში დახმარება განისაზღვრება თითოეულ არასრულწლოვან შვილზე თვეში 30 (ოცდაათი) ლარის ოდენობით. ქვეპროგრამის მიზნებისთვის დახმარების მიმღები მრავალშვილიანი ოჯახი წარმოადგენს ერთ განცალკევებულ ფართობზე მუდმივად მცხოვრებ პირთა წრეს, რომლებიც ეწევიან ერთობლივ შინასამეურნეო საქმიანობას. მრავალშვილიან ოჯახებს ყოველთვიური დახმარება დაენიშნებათ განცხადებით მიმართვის მომდევნო თვის პირველი რიცხვიდან. სავალდებულოა, რომ ორივე მშობელი მცხოვრები იყოს ქალაქ ქუთაისში, ხოლო ერთ-ერთი მაინც რეგისტრირებული, დახმარების დანიშნულებული არანაკლებ ერთი წლისა. ასევე, ყოველ 6 თვეში ერთხელ ოჯახის შემადგენლობის დამადასტურებელი დოკუმენტის წარმოდგენა შესაბამისი ადმინისტრაციული ერთეულიდან. 18 წლის შესრულების შემთხვევაში არასრულწლოვან ბავშვს დახმარება შეუწყდება მომდევნო თვის პირველი რიცხვიდან. დახმარებით ვერ ისარგებლებს არასრულწლოვანი ბავშვი, თუ ის იმყოფება სახელმწიფო კმაყოფაზე. ქალაქ ქუთაისში რეგისტრირებულ და მცხოვრებ ოჯახებს, რომელთაც ჰყავთ 5 (ხუთი) და მეტი შვილი და ამათგან ერთი მაინც არის 18 (თვრამეტ) წლამდე არასრულწლოვანი, მატერიალური დახმარება გაეწევათ ერთჯერადად, კერძოდ, 5 (ხუთი) შვილიან ოჯახს – 500 ლარის ოდენობით, 6 (ექვსი), 7 (შვიდი) და 8 (რვა) შვილიან ოჯახს დახმარება გაეწევა – 700 ლარის ოდენობით, 9 (ცხრა) და მეტი შვილიანი ოჯახის დახმარება შეადგენს 1000 ლარს. ქალაქ ქუთაისში რეგისტრირებულ და მცხოვრებ ოჯახებს, რომელთაც 2024 წელს შეეძინებათ მე-4, მე-5 და შემდეგი შვილი, მატერიალური დახმარება გაეწევათ ერთჯერადად. მე-4 შვილის შემენისას დახმარება გაეწევა 1000 (ათასი) ლარის ოდენობით, მე-5 შვილის შემენისას – 1100 (ათასასი) ლარის ოდენობით, მე-6 შვილის შემენისას – 1200 (ათასორასი) ლარის ოდენობით, მე-7 შვილის შემენისას – 1300 (ათასსამასი) ლარის ოდენობით, მე-8, მე-9 და ა.შ. შვილის შემენისას – 1400 (ათასოთხასი) ლარის ოდენობით. მრავალშვილიან ოჯახებს, რომლეთაც ჰყავთ თუნდაც ერთი არასრულწლოვანი და ვერ სარგებლობენ სახელმწიფოს მიერ დადგენილი შეღავათით, თვეში მიღებენ ელექტრო-ენერგიის დანახარჯის ანაზღაურებაში დახმარებას, თანადაფინანსების სახით 20 ლარის ოდენობით.

სარიტუალო დახმარება -ქვეპროგრამა ემსახურება საქართველოს კანონებით: „ომისა და სამხედრო ძალების ვეტერანების შესახებ“, „სამშობლოს დაცვისას დაღუპულთა და ომის შემდეგ გარდაცვლილ მეომართა ხსოვნის უკვდავყოფის შესახებ“ გათვალისწინებული ვალდებულებების დელეგირებული უფლებამოსილების ფარგლებში შესრულებას. განიხილება ქალაქ ქუთაისში რეგისტრირებული გარდაცვლილი ვეტერანის დასაფლავების ხარჯების გაწევაში დახმარების საკითხი. დახმარებისათვის წარმოდგენილ უნდა იქნეს: ვეტერანის დამადასტურებელი მოწმობა, ცნობა გარდაცვალების შესახებ, დასაფლავების ხარჯის გამდები პირის განცხადება და პირადობის მოწმობა, საჭიროების შემთხვევაში სხვა დამატებითი დოკუმენტაცია. გარდაცვლილი ვეტერანის დასაფლავების ხარჯის გამდებ პირზე ერთჯერადი მატერიალური დახმარება გაიცემა 300 (სამასი) ლარის ოდენობით. ქვეპროგრამა ასევე გულისხმობს ქალაქ ქუთაისში რეგისტრირებული პირების სარიტუალო მომსახურებას, რომლებიც გარდაიცვალნენ „კოვიდ-19“ დიაგნოზით სამედიცინო დაწესებულებაში, ერთჯერადად 300 (სამასი) ლარის ოდენობით. დახმარების მისაღებად წარმოდგენილ უნდა იქნას გარდაცვლილის ოჯახის კანონიერი წარმომადგენლის განცხადება, პირადობის დამადასტურებელი დოკუმენტი, ცნობა გარდაცვალების შესახებ, დასკვნა სამედიცინო დაწესებულებიდან.

სოციალური ღონისძიებები ქვეპროგრამით განსაზღვრულია ქალაქ ქუთაისში რეგისტრირებული და მცხოვრები, გარკვეული კატეგორიის ღვაწლმოსილი, დამსახურებული და სოციალურად დაუცველი პირებისათვის ტრადიციულ დღესასწაულებთან და ღირსშესანიშნავ თარიღებთან დაკავშირებით სხვადასხვა შინაარსის ღონისძიებების მოწყობა სოციალურად დაუცველი ოჯახების ყოფითი პირობების გაუმჯობესების ხელშეწყობა ქვეპროგრამის ფარგლებში განხორციელდება ქალაქ ქუთაისში მცხოვრები, სოციალურად დაუცველი 0-70001-მდე სარეიტინგო ქულის მქონე ოჯახების ყოფითი პირობების გაუმჯობესების ხელშეწყობის მიზნით, მათ მიერ მოხმარებული ელექტრო ენერგიისა და საყოფაცხოვრებო ნარჩენების გატანის ღირებულების ანაზღაურების თანადაფინანსება ადგილობრივი თვითმმართველობის ბიუჯეტიდან. ბენეფიციარებს ყოველთვიურად აუნაზღაურდებათ მოხმარებული ელექტროენერგიის ღირებულება წლიური ლიმიტის მიხედვით შემდეგნაირად: ერთწევრიან და ორწევრიან ოჯახებს 48 ლარი, სამ, ოთხ და ხუთწევრიან ოჯახებს - 72 ლარი, ექვს და შვიდწევრიან ოჯახებს - 96 ლარი, რვა და მეტ წევრიან ოჯახებს - 120 ლარი. თანხები გადანაწილდება თვეების მიხედვით პროპორციულად, რომელიც აუნაზღაურდება მხოლოდ ინდივიდუალური მრიცველების მქონე ბენეფიციარებს. ელექტრო ენერგიის ღირებულების ანაზღაურება მოხდება სადისტრიბუციო კომპანიის /„ეპ ჯორჯია მიწოდება“/ ანგარიშზე ჩარიცხვის გზით. ბენეფიციარები საყოფაცხოვრებო ნარჩენების გატანის ღირებულებისაგან /სულზე 1 ლარი/ თავისუფლდებიან. ბენეფიციართა იდენტიფიცირება განხორციელდება მუნიციპალური სერვისების განვითარების სააგენტოს მიერ, მემორანდუმის ფარგლებში მუდმივგანახლებადი მონაცემთა ბაზის საფუძველზე. სოციალურად დაუცველი ოჯახების ერთიან ბაზაში ელექტროენერგიის აზონენტის ნომრის არასებობის შემთხვევაში, ბენეფიციართა აბონენტის ნომრების იდენტიფიცირება მოხდება ბენეფიციარის განცხადების საფუძველზე, რომელსაც თან უნდა ახლდეს პირადობის დამადასტურებელი მოწმობის ასლი, სადისტრიბუციო კომპანიის „ეპ ჯორჯია მიწოდება“ მიერ გაცემული აბონენტის ნომერი /ქვითარი/, სხვა საჭირო დოკუმენტი სამსახურის მოთხოვნით.

განსაკუთრებული საჭიროების მქონე პირთა თანადგომა ქვეპროგრამის მიზანია შზრუნველობამოკლებული ბავშვის სტატუსის მქონე 18 წლამდე ასაკის პირებისათვის, რომელთაც მიაღწიეს სრულწლოვანების ასაკს და ვერ იქნენ რეინტეგრირებული ბავშვთა სააღმზრდელო დაწესებულებიდან, „მინდობით აღზრდისა“ და „მცირე საოჯახო ტიპის სახლის“ მომსახურებიდან, დამოუკიდებელი ცხოვრებისა და სოციალური ინტეგრაციის ხელშეწყობის მიზნით, ფინანსური დახმარების გაწევა. სახელმწიფო მზრუნველობაში განთავსებული ბავშვების ბიოლოგიურ ოჯახებში დაბრუნების, მიტოვების რისკების პრევენციისა და აღმოფხვრის უზრუნველსაყოფად და ასევე, სახელმწიფო მზრუნველობიდან რეინტეგრირებული ბავშვების ოჯახების გაძლიერებისა და ხელშეწყობის მიზნით, მატერიალური დახმარების გაწევა; ასევე, ჰემოდიალიზზე მყოფი პირების /პაციენტები/, სამედიცინო დაწესებულებაში მუდმივად ტრანსპორტირებისა და სხვა აუცილებელი საჭიროებების დაკმაყოფილების მიზნით, ფინანსური დახმარების გაწევა.

შეზღუდული შესაძლებლობების მქონე ბავშვთა ჰეგიენური საშუალებებით უზრუნველყოფა ქვეპროგრამით მოსარგებლე ბენეფიციარები არიან სახელმწიფო პროგრამით „ბავშვთა ადრეული განვითარებისა“ და „დღის ცენტრის“ მომსახურებით მოსარგებლე ქალაქ ქუთაისში რეგისტრირებული შეზღუდული შესაძლებლობის სტატუსის მქონე: ა) 0-5 წლის ბავშვები; ბ) 6 - დან 18 წლამდე ასაკის ბავშვები, რომელთა ოჯახების სოციალური სარეიტინგო ქულა არ აღემატება 120 000- ს. მათვის უმთავრესი საჭიროების ჰეგიენური საშუალებებით, კერძოდ: ბავშვის ჰეგიენური საფენებითა და სველი ხელსახოცებით უზრუნველყოფა. დახმარების მთხოვნელი ყოველთვიურად, განცხადებასთან ერთად, წარმოადგენს კანონიერი წარმომადგენლის დამადასტურებელ საბუთს, ბავშვის დაბადების მოწმობის ასლს, შეზღუდული შესაძლებლობის სტატუსის დამადასტურებელ მოწმობას, სისპ „სოციალური მომსახურების სააგენტოდან“ ცნობას აღნიშნული შშმ ბენეფიციარის „ბავშვთა ადრეული განვითარებისა“ და „დღის ცენტრის“ სახელმწიფო პროგრამებით სარგებლობის შესახებ, ანგარიშ-ფაქტურას აფთიაქიდან. აღნიშნული დოკუმენტაციის წარმოდგენის საფუძველზე, ყოველთვიურად გაიცემა 60 ლარის ღირებულების საგარანტიო წერილი.

უფასო კვება -ქალაქ ქუთაისის ადმინისტრაციულ ერთეულებში რეგისტრირებული უკიდურესად შეჭირვებული მოხუცებისა და შეზღუდული შესაძლებლობის მქონე პირთა უფასო კვება დღეში ერთხელ სასადილოში და მუნიციპალიტეტის სხვადასხვა ადმინისტრაციულ ერთეულებში ბენეფიციართათვის საკვების მიწოდება ოჯახებში ყოველდღიურად

კოხლეარული იმპლანტით მოსარგებლე ბენეფიციართა დახმარება ქვეპროგრამის მიზანია ქალაქ ქუთაისში რეგისტრირებული და მცხოვრები კოხლეარული იმპლანტით მოსარგებლე, 0-18 წლამდე არასრულწლოვანი პირების ფუნქციური დამოუკიდებლობის ხარისხის გაუმჯობესება და მათი საზოგადოებაში ინტეგრაციის ხელშეწყობა. დახმარება გაეწევათ კოხლეარული იმპლანტის აპარატის შეუფერხებელი ფუნქციონირებისათვის საჭირო ნაწილების შეძენის თვალსაზრისით. ქვეპროგრამის ფარგლებში ანაზღაურდება კვების წყაროსათვის საჭირო ელემენტის ღირებულება, კვეპროგრამის ფარგლებში ანაზღაურდება კვების წყაროსათვის საჭირო ელემენტის ღირებულება, თვეში - 95.0 ლარის ოდენობით და ექვს თვეში ერთხელ, პროცესორისა და მიკროფონის შემაერთებელი სადენის ღირებულება - 150.0 ლარის ოდენობით. დახმარების მიღება მოხდება ბენეფიციარის მშობლის/უფლებამოსილი პირის განცხადების მომართვის თვიდან საგარანტიო წერილის საშუალებით, რომელიც გაიცემა თვეში ერთხელ ელემენტის ღირებულების ანაზღაურების და ექვს თვეში ერთხელ პროცესორისა და მიკროფონის შემაერთებელი სადენის ღირებულების

ანაზღაურების თაობაზე. ბენეფიციარის 18 წლის შესრულების შემთხვევაში დახმარება შეწყდება ასაკის შესრულებიდან მომდევნო თვის პირველი რიცხვიდან. დახმარება გაიცემა განცხადებასთან ერთად საჭირო დოკუმენტაციის წარმოდგენის შემთხვევაში. დახმარების მიმღებმა უნდა წარმოადგინოს: ა) მშობლის/უფლებამოსილი პირის პირადობის მოწმობა; ბ) არასრულწლოვანი პირის დაბადების მოწმობა; გ) არასრულწლოვანი პირის ქალაქ ქუთაისში რეგისტრაციის დამადასტურებელი საბუთი; დ) ფორმა №100 შესაბამისი სამედიცინო დაწესებულებიდან, ე) შეზღუდული შესაძლებლობის სტატუსის დამადასტურებელი მოწმობა და სხვა საჭირო დოკუმენტი სამსახურის მოთხოვნით.

ავთვისებიანი სიმსივნით დაავადებულ პირთა თანადგომა ქვეპროგრამით მოსარგებლე პირები არიან ქალაქ ქუთაისში რეგისტრირებული ავთვისებიანი სიმსივნით დაავადებული 0-18 წლამდე ასაკის პირები. ქვეპროგრამით მოსარგებლე პირებს მატერიალური დახმარება გაეწევათ მათი უფლებამოსილი წარმომადგენლის განცხადებით მომართვის საფუძველზე, სამ თვეში ერთხელ საბიუჯეტო წლის ბოლომდე. დახმარების ოდენობა განისაზღვრება თვეში 200 ლარის ოდენობით

შინმოვლა ქვეპროგრამით მოსარგებლე პირები არიან „სოციალურად დაუცველი ოჯახების მონაცემთა ერთიან ბაზაში“ ქალაქ ქუთაისში რეგისტრირებული 100001-მდე სარეიტინგო ქულის მქონე ოჯახის წევრები (შემდგომ – მოსარგებლე), რომელთათვისაც უძლურების შეფასების ბართელის კითხვარის მიხედვით მინიჭებული ქულა (შემდგომ – ბართელის ინდექსი) არ აღემატება 95 ერთეულს, არიან მწოლიარენი ან/და საჭიროებენ სამედიცინო მანიპულაციებს საცხოვრებელ ადგილზე. ვაუჩერული წესით მიიღებენ შესაბამის დაფინანსებას.

აუტიზმის სპექტრის დარღვევის მქონე ბავშვთა რეაბილიტაციაქვეპროგრამა ითვალისწინებს ქალაქ ქუთაისში ბოლო 2 წლის განმავლობაში რეგისტრირებული და მცხოვრები 2 - 17 წლის ჩათვლით ბავშვების, რომელთა ძირითადი დიაგნოზია („ICD-10“) კლასიფიკაციის მიხედვით განსაზღვრული განვითარების ზოგადი აშლილობები („F84.0“; „F84.9“), სარეაბილიტაციო მომსახურებას. ქვეპროგრამაში პირველადი ჩართვის შემთხვევაში ბენეფიციარის დიაგნოზი განსაზღვრული უნდა იყოს „ADOS-2“ ტესტირების აუტიზმის სადიაგნოსტიკო კვლევის შედეგის საფუძველზე. მიმწოდებელი ქვეპროგრამაში ჩართვისას, ქვეპროგრამის განმახორციელებელთან წარმოადგენს სიას მასთან აღრიცხვაზე მყოფი იმ პირების შესახებ, რომლებიც აკმაყოფილებენ პროგრამის კრიტერიუმებს. მომლოდინეთა სიაში ბენეფიციარის ჩართვა ხდება, ქალაქ ქუთაისის მუნიციპალიტეტის მერიის პირველადი სტრუქტურული ერთეულის - სოციალურ საკითხთა სამსახურში, მომსახურების მომწოდებელი ორგანიზაციის წერილობითი მომართვის საფუძველზე. ქვეპროგრამით განსაზღვრულ სერვისებს წარმოადგენს: მიმწოდებლის მიერ აუტიზმის სპექტრის დარღვევის მქონე ბავშვთა განვითარებისა და ადაპტური ფუნქციონირების დონის შეფასება და ინდივიდუალური განვითარების წლიური გვგმის შედგენა; ბავშვის მოტორული, შემეცნებითი, სოციალურ - ემოციური, სოციალური განვითარების, თვითმოვლისა და დამოუკიდებლად ფუნქციონირების უნარების ჩამოყალიბების ხელშეწყობა. გაწეული მომსახურება ანაზღაურდება ქალაქ ქუთაისში რეგისტრირებულ მიმწოდებელ ორგანიზაციებზე ვაუჩერული მეთოდით, სრულად, თითოეულ ბენეფიციარზე თვეში 420 ლარის ოდენობით.

შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობა ქვეპროგრამა ითვალისწინებს: ა) შეზღუდული შესაძლებლობის მქონე პირთა საზოგადოებაში

ინტეგრაციის მიზნით შშმ პირთა და მათი წარმომადგენელი ორგანიზაციების პროექტების დაფინანსება/თანადაფინანსებას. კონკურსის წესის შესაბამისად ქუთაისში სოციალური მეწარმეობის განვითარებაზე განათლებასა და დასაქმებაზე ორიენტირებულ პროექტები. ქვეპროგრამაში მონაწილეობა შეუძლიათ ქალაქ ქუთაისში რეგისტრირებულ პირებს. ასევე, ქალაქ ქუთაისის ტერიტორიაზე მოქმედ შშმ პირების საჭიროებებზე მომუშავე არასამთავრობო ორგანიზაციებს. საკონკურსო კომისიის შემადგენლობას, დებულებასა და კონკურსის პირობებს ამტკიცებს ქალაქ ქუთაისის მუნიციპალიტეტის მერი. სადაც ასახული იქნება ინფორმაცია პროექტის შესახებ. ქალაქ ქუთაისის მუნიციპალიტეტის მერიის ოფიციალურ ვებ გვერდზე [www.kutaisi.gov.ge](http://www.kutaisi.gov.ge). განთავსდება ინფორმაცია კონკურსის გამოცხადების თაობაზე, შესაბამისი თანდართული დოკუმენტაცით. სავალდებულოა, საკონკურსოდ წარმოდგენილი პროექტის განხორციელებაში მონაწილეობას იღებდეს ქალაქ ქუთაისში რეგისტრირებული შეზღუდული შესაძლებლობების მქონე პირი. საკონკურსო განაცხადების შერჩევის ობიექტური და მიუკურმოებელი პროცესის უზრუნველყოფის მიზნით, წარმოდგენილი განაცხადები განიხილება საკონკურსო კომისიის მიერ დათქმულ ვადებში. თანამშრომლობა გამარჯვებული პროექტის ავტორსა და ქალაქ ქუთაისის მუნიციპალიტეტის მერიას შორის ფორმდება მემორანდუმის სახით, სადაც ნათლად იქნება ასახული მხარეთა ვალდებულებები. მხარეებს შორის მემორანდუმი გაფორმდება მას შემდეგ რაც კომისიის წევრების მიერ ხელმოწერილი დასკვნის საფუძველზე, რომელიც გაფორმდა ოქმის სახით საბოლოო გადაწყვეტილებას მიიღებს ქ.ქუთაისის მუნიციპალიტეტის მერი, შერჩეული პროექტისათვის დაფინანსება/თანადაფინანსების გაცემის თაობაზე. ბ) ქვეპროგრამის ფარგლებში ასევე განხორციელდება შშმ პირთა ან/და მათი წარმომადგენელი ორგანიზაციების მიერ ორგანიზებული ღონისძიებების დაფინანსება.

შშმ ბენეფიციარებისა და მიუსაფარ ბავშვთა საჭიროებებზე მომუშავე ორგანიზაციების ხელშეწყობა ქვეპროგრამის მიზანია სოციალური რეაბილიტაციისა და ბავშვზე ზრუნვის 2024 წლის სახელმწიფო პროგრამით მოსარგებლე ქალაქ ქუთაისში მოქმედი 18 წლამდე და 18 წელს ზემოთ ასაკის შეზღუდული შესაძლებლობის მქონე ბენეფიციარებსა და მიუსაფარ ბავშვთა საჭიროებებზე მომუშავე ორგანიზაციების ფუნქციონირების ხელშეწყობის მიზნით დღის ცენტრების კომუნალური ხარჯების დაფინანსება/თანადაფინანსება. ასევე 6-დან 18 წლამდე მძიმე და ღრმა გონებრივი განვითარების შეფერხების მქონე შშმ ბავშვთა დღის ცენტრის ფუნქციონირების ხელშეწყობა - 46,2 ლ. 2024 წლის განმავლობაში დაფინანსების /თანადაფინანსების პრინციპით ანაზღაურდება კომუნალური ხარჯები (ელექტროენერგია, ბუნებრივი აირი და წყალი) მომსახურების მიმწოდებელი ორგანიზაციების მიერ, ყოველთვიურად წარმოდგენილი ანგარიშ-ფაქტურებისა და ქვითრების შესაბამისად. თანხა ჩაირიცხება შესაბამისი სადისტრიბუციო კომპანიების ანგარიშებზე. ორგანიზაცია, რომელიც წარმოადგენს თვის კომუნალურ ხარჯს ჯამურად 300 ლარამდე, ზაფხულის თვეებში დაფინანსდება არაუმეტეს 150 ლარისა, ხოლო ზამთრის თვეებში კი წარმოდგენილი ფაქტური ხარჯის მიხედვით, არაუმეტეს 300 ლარისა. 300 ლარს ზემოთ წარმოდგენილი კომუნალური ხარჯის შემთხვევაში, ზაფხულის თვეებში დაფინანსდება არაუმეტეს 300 ლარისა, ზამთრის თვეებში /დეკემბერი, იანვარი, თებერვალი/ კი ფაქტური ხარჯის მიხედვით არაუმეტეს 600 ლარისა.

მარტოხელა მშობელთა დახმარებაქვეპროგრამით განსაზღვრულია ქალაქ ქუთაისში მცხოვრები და რეგისტრირებული მარტოხელა მშობლის სტატუსის მქონე პირთა ოჯახების მიერ მოხმარებული კომუნალური გადასახადების – ელექტრო ენერგიის, წყალის, ბუნებრივი აირის ღირებულების თანადაფინანსება ადგილობრივი თვითმმართველობის ბიუჯეტიდან 30 ლარის ოდენობით. აქედან, ელექტრო ენერგიის გადასახადის თანადაფინანსება ოჯახზე განისაზღვრება ყოველთვიურად 12 ლარის ოდენობით; ბუნებრივი აირის გადასახადის ანაზღაურება ოჯახზე მოხდება ყოველთვიურად – 15 ლარის ოდენობით, წყლის გადასახადის ღირებულება ოჯახზე განისაზღვრება 3 ლარის ოდენობით. მოხმარებული გადასახადების ღირებულების ანაზღაურება/თანადაფინანსება მოხდება სადისტრიბუციო კომპანიების ანგარიშებზე ჩარიცხვის გზით. ქვეპროგრამის ბენეფიციარებს განკუთვნებიან მარტოხელა მშობლის სტატუსის მქონე პირები, რომელთაც ჰყავთ 18 წლამდე ასაკის შვილი/შვილები და არ იმყოფებიან ქორწინებაში. ბენეფიციართა იდენტიფიცირება მოხდება საქართველოს იუსტიციის სამინისტროს სახელმწიფო განვითარების სააგენტოს მიერ გაცემული მარტოხელა მშობლის სტატუსის დამადასტურებელი დოკუმენტის მიხედვით. დახმარების მიმღებმა პირმა უნდა წარმოადგინოს: პირადობის დამადასტურებელი მოწმობა; ბავშვის დაბადების მოწმობები; კომუნალური გადასახადების /ელექტრო ენერგია, წყალი, ბუნებრივი აირი/ ქვითრები; საქართველოს იუსტიციის სამინისტროს სახელმწიფო განვითარების სააგენტოს მიერ გაცემული გადაწყვეტილება მარტოხელა მშობლის სტატუსის დადგენის შესახებ და ცნობა მარტოხელა მშობლის სტატუსის დადგენის შესახებ /სტატუსის გადამოწმება მოხდება 6 თვეში ერთხელ სამოქალაქო რეესტრში/; საჭიროების შემთხვევაში სხვა დამატებითი დოკუმენტი სამსახურის მოთხოვნით.

ოჯახში ძალადობის მსხვერპლთა დახმარებაქვეპროგრამით მოსარგებლე პირები - დახმარების მიმღები პირი/ოჯახი, თავშესაფარში შესვლამდე და თავშესაფრის დატოვების შემდეგ რეგისტრირებული უნდა იყოს ქალაქ ქუთაისში. ოჯახში ძალადობის მსხვერპლთა თავშესაფარში მყოფ პირს/ოჯახს, თავშესაფრის დატოვების შემდეგ დამოუკიდებელი ცხოვრებისა და სოციალური ინტეგრაციის ხელშეწყობის მიზნით, გაეწევა მატერიალური დახმარება თვეში 200 ლარის ოდენობით. სსიპ სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოს ტერიტორიულმა ერთეულმა, ოჯახში ძალადობის მსხვერპლთა მომსახურების დაწესებულებებმა, ბენეფიციარის თავშესაფრის დატოვებამდე, სოციალურ საკითხთა სამსახურს უნდა წარუდგინონ სარეკომენდაციო მომართვა ოჯახში ძალადობის მსხვერპლის თავშესაფარში განთავსების ვადების მითითებით. ბენეფიციარმა უნდა წარმოადგინოს მსხვერპლის სტატუსის დამადასტურებელი მოწმობა, პირადობის დამადასტურებელი მოწმობა და განცხადება პირის/ოჯახის ქვეპროგრამაში ჩართვის საჭიროების შესახებ. აუცილებლობის შემთხვევაში სხვა დამატებითი დოკუმენტი სამსახურის მოთხოვნით. ბენეფიციარს დახმარება დაენიშნება მომართვის შემდეგ, მომდევნო თვის პირველი რიცხვიდან. ფინანსური დახმარება გაიცემა ქვეპროგრამის განხორციელების ვადის ამოწურვამდე, არაუმეტეს I წლისა. ქვეპროგრამაში ჩართულ ბენეფიციარებს მომსახურება შეუწყდებათ: პირადი განცხადების, გარდაცვალების, საცხოვრებლად ქალაქ ქუთაისიდან გადასვლისა და ქვეპროგრამით გათვალისწინებული ვადის ამოწურვის შემთხვევაში.

საქართველოს „ბავშვთა ეს-ო-ეს სოფლის“ დღის ცენტრის ბენეფიციართა დახმარება ქვეპროგრამის ფარგლებში ბავშვების სოციალური დახმარებისა და მათი ოჯახების გაძლიერების მიზნით, ქალაქ ქუთაისის მუნიციპალიტეტის მერიასა და ასოციაცია საქართველოს „ბავშვთა ეს-ო-ეს სოფლის“ მორის გაფორმებული ურთიერთშეთანხმების მემორანდუმის საფუძველზე, მოხდება საქართველოს „ბავშვთა ეს-ო-ეს სოფლის“ მიერ განხორციელებული პროექტის /„დღის ცენტრის ბენეფიციარების დახმარება“/ დაფინანსება, რომლის ფარგლებში დაფინანსდება ქალაქ ქუთაისში რეგისტრირებული 12-დან 36 თვემდე ბავშვების დღის ცენტრში მომსახურება: კვება, და ჰიგიენური საშუალებები; ყოველთვიურად არაუმეტეს 20 ბავშვისა, ორგანიზაციამ სოციალურ საკითხთა სამსახურში გაწეული მომსახურების ანაზღაურების მიზნით, წერილობითი მომართვასთან ერთად თანდართული ფორმით უნდა წარმოადგინოს შემდეგი დოკუმენტაცია: მიღება-ჩაბარების აქტი, ბენეფიციართა სია, ანგარიშ-ფაქტურა, საკვები პროდუქტებისა და ჰიგიენური საშუალებების შესყიდვის დოკუმენტაცია, ყოველთვიური მენიუ და ხენეფიციართა რეგისტრაციის ამსახველი დოკუმენტი.

„HER-2“ რეცეპტორ - დადებითი მუმუს კიბოს სამკურნალო მედიკამენტებით დახმარება ქვეპროგრამის მიზანია ძუძუს კიბოს მკურნალობის ფინანსური ხელმისაწვდომობის გაზრდა და ამ დიაგნოზის მქონე პირთა სიცოცხლის გახანგრძლივება/განკურნება. ქვეპროგრამით ისარგებლებენ ქალაქ ქუთაისში რეგისტრირებული ადრეული ძუძუს „HER-2“ რეცეპტორ-დადებითი და მეტასტაზური კიბოს დიაგნოზის მქონე პირები, რომლებიც სარგებლობენ რეფერალური მომსახურების სახელმწიფო პროგრამის ფარგლებში მედიკამენტებით: ჰერცეპტინი /ტრანსტუზუმაბი/, პერჯეტა /პერტუზუმაბი/ და ფესგო. ბენეფიციარმა განცხადებასთან ერთად უნდა წარმოადგინოს პირადობის დამადასტურებელი მოწმობა, რეფერალური კომისიის მიერ გაცემული საგარანტიო წერილის ასლი, ფორმა №100 და ანგარიშ-ფაქტურა აფთიაქიდან. დახმარების მიღება განხორციელდება არაერთჯერადი მომართვის საფუძველზე საგარანტიო წერილის გამოყენებით. თითოეულ შემთხვევა დაფინანსდება არაუმეტეს 300 ლარის ოდენობით.

გადაუდებელი რეაგირება ქვეპროგრამა ითვალისწინებს ქალაქ ქუთაისში რეგისტრირებული და მცხოვრები კრიზისულ მდგომარეობაში სოციალური საფრთხის წინაშე მყოფი ოჯახების დახმარებას, რომლებიც გადაუდებლად საჭიროებენ სხვადასხვა სერვისის მიწოდებას ან/და მატერიალურ დახმარებას, რომლის მაქსიმალური ლიმიტია 1500 ლარი.

ირაკლი შენგელია: ჩემი 5 წლიანი გამოცდილებით ბიუჯეტი ცვალებადი და მზარდია როგორც სოციალური ესევე ჯანდაცვის პროგრამები, ჯერ მარტო რომ დავიწყოთ აუტისტური სპექტრის მქონე ბავშვები და მედიკამეტებით დახმარებითმ და ესე შემდეგ, მე ერთი რაიმე მინდა გითხრათ, რომ ყველაზე უფექტურად მოქალაქეები იყენებენ გადაუდებელი რეაგირების პროგრამას, ვფიქრობ ამ პროგრამას თავის მიზანი აქვს, როდესაც გადაუდებელი საჭიროება აქვს კონკრეტულ ბენეფიციარს საჭიროა დროული რეაგირება და ნებისმიერი დახმარებას უნდა პასუხობდეს ეს პროგრამა რომელიც ბენეფიციარს გადაუდებლად და სწრაფად სჭირდება, ვადებთან და საზროს გადაწყვეტილებაზე მოქალაქე არ უნდა დავაყოვნოთ ჩემი აზრით სოციალური უზრუნველყოფის პროგრამებში და ზოგადად ბიუჯეტში თანხა უნდა გავაორმავოთ, თუნდაც სხვადასხვა წარმომადგენლობითი ხარჯის შემცირება მოგვიწიოს ეს ხარჯი უნდა გავზარდოთ მინიმუმ უნდა გავაორმავოთ, უნდა გაიზარდოს ბენეფიციართა რაოდენობა და არ უნდა იყოს ჩაკეტილი და

ჩამოვაყალიბოთ რამდენჯერ უნდა შეიკრიბოს კომისია თვეში, რამდენი განცხადების არსებობის შემთხვევაში, გადაწყვეტილების მიმღები პირები მაქსიმალურად იყვნენ ორიენტირებულები, რომ სხდომა არ გადაიდოს, რადგან მახსოვეს გვეონდა შემთხვევები, როდესაც არ ეცალა გადაწყვეტილების მიმღებს და სხდომა გადაიდო, ჩემი აზრით მიზანშეწონილია, აღნიშნული პროგრამა გაფართოვდეს, გამხსვილდეს და გაიზარდოს ფინანსური ნაწილი, ამ მიზნით ვფიქრობთ, შემცირდეს მერიის სარეზერვო ფონდის მოცულობა 200 000 ლარით და ეს თანხა დაემატოს აღნიშნულ პროგრამას, ხოლო პროგრამის შინაარსობრივ ნაწილში გაფართოვდეს დახმარების მიმღებ ბენეფიციართა ჩამონათვალი და კრიზისული მდგომარეობის განმარტება იქნეს დაზუსტებული და გაწერილი პროგრამის ტექსტურ ნაწილში.

მხედველობით მკვეთრად შეზღუდული შესაძლებლობის მქონე პირებისათვის ტიფლოტექნიკური აპარატების შეძენაქვეპროგრამის ფარგლებში დაფინანსდება მხედველობით მკვეთრად შეზღუდული შესაძლებლობის მქონე პირებისათვის ტიფლოტექნიკური/ხმოვანი აპარატების შეძენა.

გენდერული ნიშნით და ოჯახში ძალადობის მსხვერპლი ქალებისათვის ფსიქიატრიული სერვისებით უზრუნველყოფა ქვეპროგრამის მიზანია ქალაქ ქუთაისში რეგისტრირებული ძალადობის მსხვერპლი ქალების, კერძოდ: გენდერული ნიშნით და ოჯახში ძალადობის მსხვერპლი ქალებისა და გოგონებისთვის ფსიქიატრიული სერვისების მიწოდება. ქვეპროგრამით მოსარგებლე პირები არიან: ქალაქ ქუთაისში რეგისტრირებული ოჯახში და გენდერული ნიშნით ძალადობის მსხვერპლი ქალები, რომლებიც საჭიროებენ ფსიქიკური ჯანმრთელობის სერვისებში ჩართვას.

სოციალურად დაუცველ ოჯახებში შეძენილ ახალშობილზე ერთჯერადი დახმარებაქვეპროგრამა ითვალისწინებს ქალაქ ქუთაისში არანაკლებ ბოლო ერთი წლის მანძილზე რეგისტრირებული და ფაქტობრივად მცხოვრებ სოციალურად დაუცველ ოჯახებში, რომელთა სოციალური სარეიტინგო ქულა არ აღემატება 120 000 -ს, 2024 წელს შეძენილ თითოეულ შვილზე გაეწევა მატერიალური დახმარება 500 ლარის ოდენობით.

ბავშვიანი ოჯახების კვონომიკური გაძლიერება ბავშვიანი ოჯახების კვონომიკური მხარდაჭერის ქვეპროგრამის მიზანია ბავშვთა კოდექსის მოთხოვნათა და ბავშვთა უფლებების მიმართულებით არსებული გამოწვევების საპასუხოდ, პროგრამის მონაწილე ბავშვიანი ოჯახების ეკონომიკური უსაფრთხოების ხელშეწყობა, რათა ამ გზით შემცირდეს ოჯახების კვონომიკური მდგომარეობის უარყოფითი გავლენა ბავშვის განვითარების სხვადასხვა ასპექტებზე. ქვეპროგრამა ასევე გულისხმობს, ქალაქ ქუთაისში რეგისტრირებული და ფაქტობრივად მცხოვრები მრავალშვილიანი ოჯახების კვონომიკურ გაძლიერებას, მათთვის მიკრო და მცირე მეწარმეობის დაწყების ან არსებულის გაფართოება - გადაირაღებისთვის ხელშეწყობას.

ბავშვის განვითარების ხელშეწყობა ბავშვის განვითარების ხელშემწყობი ქვეპროგრამის მიზანია ბავშვთა კოდექსის მოთხოვნათა და ბავშვთა უფლებების მიმართულებით არსებული გამოწვევების საპასუხოდ მოწყველად ოჯახებში მცხოვრები ბავშვების კოგნიტური და ფიზიკური განვითარების ხელშეწყობა. ქვეპროგრამის ფარგლებში ოჯახის მხარდაჭერა განხორციელდება

ბავშვის ასაკის თავისებურებების გათვალისწინებით – ადრეული და შუა ასაკის ბავშვებისათვის ბავშვის განვითარების ხელშემწყობი საშუალებებით. თითოეული ბენეფიციისრისთვის დახმარება განისაზღვრება არაუმტექს 150 ლარის ღირებულების განმავითარებელი საშუალებებით.

პირველი ტიპის შაქრიანი დიაბეტით დაავადებულ ბავშვთა დახმარება ქვეპროგრამა ითვალისწინებს ქალაქ ქუთაისში რეგისტრირებული პირველი ტიპის შაქრიანი დიაბეტით დაავადებულ 0 - დან 18 წლამდე პირთა ფინანსურ დახმარებას. მკურნალობისთვის საჭირო, ჯანსაღი კვების უზრუნველყოფის ხელშეწყობის მიზნით. დახმარება განისაზღვრება თითოეულ ბენეფიციარზე თვეში 100 ლარის ოდენობით/ას.

გენდერული თანასწორობის ხელშეწყობა ქუთაისის მუნიციპალიტეტში გენდერული თანასწორობის საბჭოს სტრატეგიითა და სამოქმედო გეგმით (2023–2026) გათვალისწინებული აქტივობების შესრულებით განხორციელდება გენდერული თანასწორობის პოლიტიკის შექმნის და აღსრულებას ხელშეწყობა ქუთაისის მუნიციპალიტეტის მცხოვრებთა, ქალების საჭიროებების, მოთხოვნებისა და ინტერესების გატარების გზით, საბჭოს ძლიერ, სანდო, გამჭვირვალე, თანასწორობის ეფექტურ, ინკლუზიურ და მდგრად ინსტიტუციად ჩამოყალიბებით.

კომისიას აღნიშნულ საკითხთან დაკავშირებით კომისიამ გამოთქვა შენიშვნები: პირველი ტიპის შაქრიანი დიაბეტით დაავადებულ ბავშვთა დახმარების ქვეპროგრამაში მოხდეს ტექსტის კორექტირება, ასევე გამონავლისის სახით თებერვლის თვეში გაკეთებული მომართვის საფუძველზე იანვრის თვის დაფინანსებაც აუნაზრაურდეს ბენეფიციარს.

შეიქმნას ახალი ქვეპროგრამა, რომელიც დააფინანსებს გლაუკომით დაავადებულ პაციენტთა მედიკამენტოზურ მკურნალობას.

არ შემცირდეს მედიკამენტების უზრუნველყოფის ქვეპროგრამის დაფინანსება.

გაიზარდოს საცხოვრისის კომუნალური ხარჯების დაფინანსება (გუგუნავას საცხოვრისის გათვალისწინებით)

სამედიცინო დახმარების ქვეპროგრამის ტექსტში გაჩნდეს ჩანაწერი, გამონაკლის შემთხვევებში დაფინანსდეს მოკვლევის საფუძველზე.

პროექტის მუხლში 06 02 20 პროგრამული კოდით არსებობს გადაუდებელი რეაგირების პროგრამა. ამ მხრივ მიზანშეწონილია, აღნიშნული პროგრამა გაფართოვდეს, გამხსვილდეს და გაიზარდოს ფინანსური ნაწილი, ამ მიზნით ვფიქრობთ, შემცირდეს მერიის სარეზერვო ფონდის მოცულობა 200 000 ლარით და ეს თანხა დაემატოს აღნიშნულ პროგრამას, ხოლო პროგრამის შინაარსობრივ ნაწილში გაფართოვდეს დახმარების მიმღებ ბენეფიციართა ჩამონათვალი და კრიზისული მდგომარეობის განმარტება იქნეს დაზუსტებული და გაწერილი პროგრამის ტექსტურ ნაწილში.

ამით, ქალაქ ქუთაისის მუნიციპალიტეტის საკრებულოს, ჯანდაცვისა და სოციალურ საკითხთა კომისიის კომისიის სხდომაში მუშაობა დაასრულა.

ქალაქ ქუთაისის მუნიციპალიტეტის  
ჯანდაცვისა და სოციალურ საკითხთა კომისიის  
თავმჯდომარე საკრებულოს  
მამუკა რიჟამაძე

